



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-2-40-407-2/22**
Datum: **16.08.2022. god**

«Agencija za vodno područje rijeke Save» Sarajevo rješavajući po zahtjevu Investitora Selmanović Hakije iz Kalesije, za izdavanje vodne saglasnosti za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada objekta namijenjenog za smještaj muznih krava u naselju Jajići, općina Kalesija, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj saglasnosti**

1. Investitoru Selmanović Hakiji daje se vodna saglasnost za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada objekta za smještaj muznih krava, kapaciteta 135 grla muznih krava, koji se planira graditi u naselju Jajići, općina Kalesija, na zemljištu označenom kao k.č. broj 1528/1 i k.č. broj 1529 K.O. Kalesija, u skladu sa projektnom dokumentacijom:
 - Glavni projekat – sakupljanja, tretmana i ispuštanja otpadnih voda farme muznih krava sa pratećim sadržajima, urađen od strane ovlaštenog pravnog lica „TQM“ d.o.o., Lukavac broj: 10-93/22, august 2022 godine, revidovan od strane „Euroing“ d.o.o. Bihać, august 2022 godine,Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.
2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Ova vodna saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
4. Vodna saglasnost se donosi na osnovu utvrđenog činjeničnog stanja i pregleda dostavljene projektne dokumentacije iz tačke 1. dispozitiva koja čini sastavni dio ovog Rješenja, a ista se, ovjerena od strane ove Agencije, vraća podnosiocu zahtjeva na trajno čuvanje. Vodna saglasnost se donosi na temelju utvrđenog činjeničnog stanja, kako slijedi, prema uslovima iz Rješenja o navedenoj prethodnoj vodnoj saglasnosti:
 - 4.1. Radove na izgradnji sistema za prikupljanje, odvodnju i zbrinjavanje tehnoloških otpadnih voda iz objekta farme muznih krava, saobraćajnih i pripadajućih manipulativnih površina, izvesti u skladu sa ovjerenom projektnom dokumentacijom iz tačke 1. dispozitiva ovog Rješenja.
 - 4.2. Nakon izvođenja radova sistema prikupljanja, odvodnje i prečišćavanja tehnoloških otpadnih voda potrebno je izvršiti ispitivanja kvaliteta izvedenih radova na vodonepropusnost i bezbjednost od curenja, a u cilju zaštite površinskih i podzemnih voda.
 - 4.3. Način ugradnje uređaja za prečišćavanje tehnoloških otpadnih voda i stavljanje istog u pogon uskladiti sa proizvođačem opreme.
 - 4.4. U toku radova iskopani materijal se ne smije ni privremeno odlagati na česticu „vodno dobro“, odnosno u vodotoke i na njegove obale.
 - 4.5. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim.
 - 4.6. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
 - 4.7. Podnosilac zahtjeva je obavezan ispoštovati uslove iz Rješenja o urbanističkoj saglasnosti broj: 02/2-1-19-1-2867/22 od 25.07.2022 godine izdato od strane Službe za prostorno uređenje, geodetske i imovinsko-pravne poslove, Općina Kalesija.

5. Ukoliko izgradnjom predmetnog objekta dođe do promjene režima površinskih ili podzemnih voda, a ta promjena prouzrokuje štete ma kakvog karaktera, Pravno lice je obavezan uzroke štete otkloniti, a procijenjenu štetu nadoknaditi.
6. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata („Sl.novine FBiH“ broj: 31/15, 55/19 i 41/20).
7. Korisnik ove vodne saglasnosti nema pravo na naknadu eventualnih šteta prouzrokovanih plavljenjem i iste padaju na njegov teret.
8. Ovo rješenje o vodnoj saglasnosti se može izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
9. Ova vodna saglasnost prestaje važiti istekom roka od dvije godine od dana pravosnažnosti iste, ukoliko u tom periodu ne bude pribavljeno odobrenje za građenje i započeti radovi.

Obrazloženje

Selmanović Hakija se pismenim putem obratio ovoj Agenciji sa zahtjevom za donošenje rješenja o vodne saglasnosti za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada objekta za smještaj muznih krava, kapaciteta 135 grla muznih krava, planiranog za izgradnju u naselju Jajići, općina Kalesija, na zemljištu označenom kao k.č. broj 1528/1 i k.č. broj 1529 K.O. Kalesija, a u postupku pribavljanja odobrenja za gradnju.

U prilogu zahtjeva podnosilac je dostavio slijedeću dokumentaciju:

- Ovjerena kopija lične karte;
- Ovjerena kopija Rješenja o urbanističkoj saglasnosti broj: 02/2-1-19-1-2867/22 od 25.07.2022 godine izdato od strane Službe za prostorno uređenje, geodetske i imovinsko-pravne poslove, Općina Kalesija;
- Ovjerena kopija obavjesti da za izgradnju farme muznih krava kapaciteta 120 grla, nije potrebno izdavanje okolinske dozvole od strane Ministarstva prostornog uređenja i zaštite okolice Tuzlanskog Kantona, broj: 12/1-19-011804/22 dana 23.05.2022. godine;
- Rješenje o prethodnoj vodnoj saglasnosti broj: UP-1/21-1-40-281-4/22 od 01.07.2022. godine izdato od strane „Agencije za vodno područje rijeke Save“ Sarajevo;
- Kopija Rješenja o prethodnoj vodnoj saglasnosti broj: 04/1-11-21-193374/22 od 21.07.2022. godine izdato od Ministarstvo poljoprivrede, šumarstva i vodoprivrede Tuzlanskog kantona;
- Glavni projekat – sakupljanja, tretmana i ispuštanja otpadnih voda za objekat - štala za stoku, urađen od strane ovlaštenog pravnog lica „TQM“ d.o.o., Lukavac broj: 10-93/22, august 2022 godine;
- Izvještaj o izvršenoj kontroli projektne dokumentacije urađen od strane „Euroing“ d.o.o. Bihać, august 2022 godine;
- Dokaz o uplati upravne pristojbe.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U provedenom postupku utvrđeno je slijedeće:

- Provođenje aktivnosti na izgradnji predmetnog objekta usklađeno je sa planskim dokumentima (izdato Rješenje o urbanističkoj saglasnosti) i nije u koliziji sa interesima sektora voda.
- Lokacija na kojoj se planira graditi objekat nalazi se unutar IV zaštitne zone izvorišta vode Krušik.
- Lokacija na kojoj se planira graditi objekat za smještaj muznih krava se nalazi u naselju Jajići, općina Kalesija, na zemljištu označenom kao k.č. broj: 1528/1 i k.č. broj 1529 K.O. Kalesija. Kapacitet objekta za smještaj muznih krava je 135 grla muznih krava.
- U postupku rada objekta za uzgoj muznih krava će nastajati sanitarno-fekalne vode, tehnološke otpadne vode (tečni otpad od čišćenja štala i prostora oko štala, osoke iz

- štala, procjedne vode iz objekata za silažu i procjedne vode sa deponije čvrstog stajnjaka te otpadne vode od održavanja čistoće i higijene muzilica i mljekare).
- Tehnološke otpade vode će se separatnom kanalizacijom upojiti u novoprojektovani vodonepropusni bazen koji će se jednom-dva puta mjesečno crpiti i odvoziti na poljoprivredno zemljište.
- Kruti stajnjak će se odlagati u vodonepropusnu lagunu-đubrenku na predmetnoj lokaciji do odvoženja na poljoprivredne površine.
- Mlijeko će se privremeno skladištiti u prostoriji za laktofriz te će se iz istog pretakati u cisterne za odvoz mlijeka od strane potencijalnih kupaca. U planiranom objektu neće se vršiti prerada mlijeka.
- Parcele na kojima se planira graditi predmetni objekat ne nalazi se u vodnom dobru i poplavnom području vodotoka I kategorije.

Projektna dokumentacija, dostavljena uz zahtjev, urađena je od strane pravnog lica „TQM“ d.o.o., Lukavac broj: 10-93/22, august 2022 godine, koje ima Ovlaštenje izdato od strane Federalnog ministarstva poljoprivrede, vodoprivrede i šumarstva (sa liste „A“).

Projektna dokumentacija urađena je u skladu sa uslovima iz Rješenja o prethodnoj vodnoj saglasnosti donesenog od strane Agencije za vodno područje rijeke Save, broj: UP-1/21-1-40-281-4/22 od 01.07.2022. godine, te je shodno članu 114. Zakona o vodama upisivanjem broja i stavljanjem otiska pečata Agencije za vodno područje rijeke Save na projektnu dokumentaciju: Glavni projekat – sakupljanja, tretmana i ispuštanja otpadnih voda za objekat štala za stoku, urađen od strane ovlaštenog pravnog lica „TQM“ d.o.o., Lukavac broj: 10-93/22, august 2022 godine.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog Rješenja, propisani uslovi u skladu sa odredbama Zakona o vodama i Pravilnika o sadržaju, obliku, uvjetima načinu izdavanja i čuvanja vodnih akata, koje je potrebno ispuniti prilikom izvođenja predmetnih radova.

Podnosilac zahtjeva je uplatio upravnu taksu u iznosu 60,00 KM u skladu sa članom 7. stav 1. Tarifni broj 43. Zakona o federalnim upravnim taksama („Sl.novine FBiH“ broj: 6/98, 9/08, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Meho Čaušević B.Sc.ing.građ.

Prilog:

- Glavni projekat – sakupljanja, tretmana i ispuštanja otpadnih voda za objekat štala za stoku, urađen od strane ovlaštenog pravnog lica „TQM“ d.o.o., Lukavac broj: 10-93/22, august 2022 godine;
- Izvještaj o izvršenoj kontroli projektne dokumentacije urađen od strane „Euroing“ d.o.o. Bihać, august 2022 godine;

Po ovlaštenju
Rukovodilac sektora za izdavanje vodnih akata


Haris Ališehović, dipl.inž.građ

Dostaviti:

- Hakija Selmanović, Jajići bb, 75260 Kalesija (sa prilogom)
- AVP Sava, ISV - vodna knjiga
- Org.jed. 40 – arhiva
- Oglasna ploča – AVP Sava